









Partial view of the book's spine on the left edge, showing vertical text and a red seal impression.

少泉詩集卷第五

五言律詩二

送夏非齋正郎守建寧

北闕論才子西曹羨大夫
海邦人借寇銅虎
帝分符曙月明
正野秋帆帶落梧
看君露冕日
闡越盡歡呼

送王陽湖副郎赴閩兵憲

建水昔論心
燕臺更復深
忽看東海節
遽析北



京山王格撰



風襟蜃氣連青綬
柳花拂素琴
知君能憶我還
上武夷岑

送印岩王正郎守邵武

天上銅符下津頭
驛舫開越人
誇畫錦閩吏迂
秋臺郡簡高簾落
堂深舞袖迴
武夷山色好
暇日幾徘徊

送郁水軒正郎守溫州

五馬繫朱纓
翩翩出上京
鄉心季子國
官道越王城
海氣迎秋蓋
江雲拂曙旌
理人知有策
浙

水會澄清

樵雲

羨爾懷幽興山中樵白雲
芟衣晨月照松路晚霞薰
攬博招仙侶吹簫下鹿群
幾時楊策起作雨奉明君

秋日遊城東寺

梵宇瑤城曲松門一逕通
平沙遙度馬漠野正飛鴻
露肅萸房紫秋高菊蕊紅
良朋兼物外繾綣淥尊空

上陵

君王敦孝理陵寢薦時裡神署脩新俎天墀遣
侍臣聯翩西郭騎雜遝北州塵何幸從紳佩仙
丘一捧蘋

上陵回晚憩西山功德寺

返轡諸陵道西山越幾重晚風淒谷響秋靄淨
峯容虎穴千年寺龍鱗百尺松香臺一徙倚隱
隱夜聞鐘

遊香山寺

高嶺凌青漢，踈林隱絳宮。
騎從斜磴入，門逐巖通。
風日三秋益，關城四眺中。
松亭陳桂醕，延賞興何窮。

遊碧雲寺

碧雲依岫結，紺殿鑿山開。
陰洞臨斜迳，飛泉帶迥臺。
幽蘭迎蓋發，香霧逐人來。
戀賞難回轡，應愁落日催。

秋日值免朝

紫陌聽鷄鳴，朝天入禁城。
涼颺秋心肅，殘月

曉猶明候漏衣冠漏嚴更劔戟橫
玉宸還暫輟
徒此抱愚情

送陳朗溪同年論囚北畿

總轡遵燕闕論囚壑冀城秋陰彌去路殺氣擁
汗旌更羨皇華使還兼畫錦榮武陵春正碧重
捧壽堂觥

秋夜同馮貞所宿署中

仙署陪寒直華簪屬舊遊聚星欣永夜酌醴悵
深秋霜落烏棲樹風清鐸繞樓與君還對寢高

論釋羈愁

西虞為范昌國賦

上邦躔海際仙構倚虞西
壑樹交簷密峰雲入
戶低川深恣晚釣
躑迥狎春躋
彈缺欣初起天
衢作鳳啼

上元夕泊李陽河

旅亭今夜泊令節上元逢
孤月明寒浦踈鍾度
遠峯滄江春作侶
玉鏡病為容
獨有長安夢
猶看火樹濃

姑蘇公署園亭

開軒恣憑覽景氣鬱鬱氛氲竹塢暄晴日松樓結
晚雲花枝縈戶發鶯語隔林聞乍覺羈情解端
居忘夕曛

過黃浦望海率爾有作

放鷁驚春晚沿流即海邊飛花迷曲浦芳草竟
長川浪吼全疑颶舟虛半似仙蓬瀛不可見還
望忽悽然

嘉定道中

我行殊鞅掌，茲路寡煩囂。
樹繞千村秀，花分兩岸飄。
漁舟橫狹水，田舍接平橋。
探覽都無厭，何心促去鑣。

嘉定旅亭

盡叵何錯落，聚石亦崔嵬。
樹色搖荒徑，花光照曲臺。
地偏人罕到，春霽月還來。
今夕孤遊客，一尊誰為開。

吳中春日偶作

翩翩鳳勅使，眇眇客途賒。
行遍三吳水，看逢二

月花病懷遠望闕春夢屢還家簪綬何時謝東
皐弄晚霞

暮春旅舍獨坐

北客淹南館春風倏暮時花殘沾席片藤長刺
簾枝酌酒催懽賞橫琴寫怨悲歌鶯如有會調
弄過東籬

春日袁永之桃花別業燕集用施憲副
見贈韻

芳園欣閒晝瓊筵慶聚星花枝分塢麗竹葉映

池青攬博開珠幌飛觴就綺屏平生踈縱意不
覺此時形

春日奉陪郭似菴侍御遊虎丘三首

戒旦陪駟馭乘春上虎丘星旌披鳥路法酒醉
雲樓四野桑麻富三吳井邑稠使君兼問俗不
比孟陽遊

其二

昔日吳王劔殉身葬此丘金精俄化虎玉氣尚
連牛洞壑含靈液樓臺俯沃流千齡遺跡在臨

望幾悲愁

其三

綠樹三春晚青驄十地遊看花霜作面張宴虎
為丘遲日淹談席清風豁望樓夜歸還倚棹人
指郭仙舟

奉和袁永之見贈韻

綺園花徑闌蘭館玳筵開袁紹迎賓至玉戎問
友來柳烟薰晚席竹露滴春杯不惜雙旌滯唯
愁斗酒催

春日泛舟訪汪使君

命舸出通津西郊送晚春
脩堤蒲柳暗狹水芰荷新
扣楫鶯為和停橈花可茵
賞心已無限况復訪幽人

觀二子夜讀

二子燈前讀三更猶未眠
輕霜侵薄幕孤月映寒氊
富貴非吾願箕裘賴爾傳
但教為善樂窮達任皇天

憇當陽玉泉寺

祇樹鬱參天朱幢白晝懸粧樓遺宋址香鼎識
隋年金佛三層殿玉泉十里田息驂聊一憇疑
是武陵川

贈當陽宰月溪張子

西蜀張平子幽居枕碧流青雲已搏鳳明月不
驚鷗水鏡圍秋浦冰娥上晚樓雙鳧今萬里委
照入東州

次巴東牛口鎮

攬轡導遙渚停驂宿野城戍樓更吹發江市晚

燈明峽暗巴舟少山鳴楚客驚無由託鄉鴈東
望獨含情

巴東早發

山亭晨促駕曉色正熹微松雨滴沁蓋溪雲上
客衣玄蟬夾路響白鳥掠江飛無那南天遠空
瞻北鴈歸

巫山道中用龔參政韻

久作荆臺臥今為蜀道行寒風吹病客秋雨散
遙旌回首思鄉夢賫身報主情蓉城幾千里

彷彿望中明

夔門關

百里夔門道崎嶇不可行
旌旗常掛樹旄旌旅盡
梯荆秋日風霜變室山
猿狖鳴王陽固孝子此
地却于証

憫行

百曲夔州路千回巫峽波
驅車登降數倚棹縱
橫多饑僕其清澗癯
駒戀綠蘿平生黎庶念勞
止將如何

偶成

去去勿停已
茲遊興亦濃
峨眉青萬尺
錦水綠千重
沽酒頻呼鶴
抽琴時撫松
應令杜工部
不擅草堂踪

得羅安南報

聞說訖南事
停兵出紫宸
齋戎新悔過
聖主重勞民
郡邑無邊餉
丁男自墾耘
天威只一
霽夷夏
盡回春

錄愁

自我辭鄉縣畏途多苦辛
鷄晨懷往路日夕振
行塵三徑空成夢二毛俱欲銀
誰能無別恨嗚咽幾沾巾

萬縣天生橋

平石橫溪架奔流暗壑通天留
不斷地人涉自然虹鵲羽填牛渚
秦驅到海東今朝三楚客亦
此渡征蓬

渠縣喜晴

渠縣曉鳴騶巴天雨正收
劍光搖始旭旌色繞

殘流平楚山鷄舞清潭水鶴浮鄉書應欲寄新
漲過荊州

懷蓬溪宰余子余時有外簾之役

蜀都花縣宰楚國鹿鳴群文陣當時雋牛刀此
日聞旅懷同峽月鄉夢共江雲寄爾瓊瑤贈明
時莫為身

再贈余令用韻

曉城棲落月秋戍響寒茄翠嶺樵夫路清溪釣
叟家玉郎新賜履潘令始栽花相憶不相值空

聞採玉華

登陳子昂書臺

拾遺讀書處高臺尚宛然名高三變始調出六
朝前雲樹樓遺宇英華燦舊編我生千載下學
步愧懷鉛

過三教堂

中有先聖像

高巘在雲端何年闢孔壇山中無禮樂座上有
衣冠紫靄薰松路青苔繡石欄當時小天下登
處或茲巒

秋夜聞砧

余昔讀秘書閣中以此命試偶有斯聞愴
然成咏

八月巴城晚千家砧杵鳴
沁衣秋未製旅思夜
偏驚益女長廊月
荆人短竹繁還憐
麟閣上當日有
歌聲

觀蜀榜

清秋丹桂榜
平旦紫微懸
劔外青雲士
人間白晝仙
鹿鳴開錦席
豸府薦瑤篇
快覩慚羈寓
因

思忝竊年

觀榜呈阮使君督學

今日蚕叢國侵晨虎榜開
金天垂紫桂玉壘振晴雷
地竭岷峨秀人收揚馬才
還知七十子俱向孔門來

送西野張中丞北歸二首

錦浦丹書下燕關綠野開
恩光留玉壘松菊滿金臺
帝遂留侯請人榮疏廣
回休歌織素曲

汧日命三台

其二

雲節何續翻中丞別劍門輪埋巴子國冠掛

漢皇軒鍾鼎高勲列丘園至道存超然出與處

世俗豈堪論

十月八日

小春當此日客子值生辰行役傷千里劬勞念
二人芳年馬上度華髮鏡中新賴有清尊酒聊
將慰苦辛

柳邊驛石洞

少翁詩集卷第五
巖亭隱喬樹石室蔭長蘿照戶凝寒月當軒爛
彩河夜遊還秉燭行役且停軻頓覺心情理中
宵清夢多

槐樹驛

寒山風霧合荒店草萊多設榻惟青筓行盤但
白醪關河猶阻滯歲月且蹉跎獨有陽春調清
宵時自歌

寧羗道中

始作岷峨適俄為幽薊行敝裘頻雨雪遙路幾

關城百感心
徒折九乖腸
自縈素琴聊
一鼓調
苦不成聲

寧羗詒王州守

此邦何隘僻
土郭控嶙峋
北於秦作鄙
南與蜀為鄰
冠裳雖漢制
習俗尚羗人
風霰迷亭館
逢君一覺春

鷄頭關

雲峯開鳥道
關石似鷄頭
亂棘當巖合
長河背檻流
七盤通蜀甸
百二限秦州
尹喜何年值
青

牛空滯留

青橋道中

行行棧閣險望望客心悽
寢石疑蹲虎高峰似
闐鷄山川出地遠雲日照人低
何處燕都路風
霜萬里淒

松林驛

山徑苦嶙峋經行日已旬
慣逢背負客驚睹項
瘠人曲檻扶危嶺偏橋續斷津
夜投棲宿處板

宛相鄰

寶鷄

棧閣危途盡寶鷄平野開咸京雲外起渭水掌
中迴廣路縈寒柳長臯秀早梅驂駢應不滯直
上郭生臺

岐山

幽西逢狄壘岐下啓王居瓜瓞絲絲舊山原
撫初鳳鳴空翠巘龍尾自清渠千載城闈曲人
猶歸市餘

扶風

言送西水許來宿右扶風日落寒山碧城開夜
火紅關梁臨渭北邑聚阻岐東浮客真蓬轉明
晨又武功

馬嵬二首

紫塞飛胡騎紅顏盡馬嵬西風金雀冷南海荔
枝來雲雨息中斷君王恨未開容華何處所香
粉尚成誰

其二

明皇寵妃子六宮粉黛空鴛鴦誇被底胡馬入

關中河北塵應滿
梨園曲未終
谷皇馬嵬下
腸斷落花風

其茂

秦王昔圖霸
握劍有甘生
未及曾參孝
先為息壤盟
三軍無內制
一戰有高名
何似鷹揚將
班荆肺腑傾

濟涇河

濁涇流渺渺
遊客苦行行
靚霧凌舟起
黃濤擁蓋生
泣珠仍卞子
懷劍豈荆卿
聖后方求舊

終邀麟閣名

新豐

昔日新豐道頻年望翠華
村醪皆內法野樹盡
宮花渭水浮橋近青門上
路斜市朝今幾變墟
里但烟霞

驪山溫泉

咸闕無雕輦驪山尚浴泉
湯池同野壑水殿祗
寒烟月冷新豐路沙沉
渭浦田行人謾投足誰
識濯龍年

望華山

太華高無極諸峰削不成
玉盆天半捧仙掌日
邊橫古樹標寒影晴
鍾度遠聲會湏扶九節紫
府問長生

汾陽故里

唐京失守日克復賴汾陽
北極歸新主南宮返
上皇論功真薄帝賜爵且為王
千載華陰里人
猶指故鄉

潼關

四塞秦中險潼關不可當渭川環右壤函谷阻
東鄉太華三峰近洪河九曲長清時猶擊斗恐
有効鷄郎

出關

三秦東向客萬里北歸人欲濟祈河伯當歌賦
洛神薊門黃葉晚楚水白梅春一首雙馳顧愁
懷與日新

闕鄉道中

闕鄉何處邑戒發已黃昏狹路迷人去寒雲送

日奔河流三晉舫沙暗五關門夜間桃林宿山童
捧竹尊

魏野草堂

魏生負奇節大隱此河湄不赴丹書召還投黃
閣詞貞松生野壑幽鳥集高枝山曲草堂在清
風動我思

函谷

函谷限秦梁由來百二強山河今險阻道德昔
文章入漢懷終子逃秦笑孟嘗青牛從此去紫

氣滿承光

王仙洞

飛鳥仙人去脩丹洞府存溪邊尋石逕山後得
烟門鶴舞吹簫院苔深看奕軒待余謝纓綬尋
爾問還元

鄴都

洛水炎精暗漳河玉氣來鄴城開寶鼎銅雀起
珠臺黃屋三分國青雲七子才遺風不可問原
野但寒灰

隴頭水

可憐隴頭水絕似軍中人脉脉一愁緒悠悠兩
地分鶴書踈漢塞龍劍冷胡塵願作東流沫歸
逢上苑春

得泉北公擢淮安報

千仞梧桐客三年枳棘中淮南新捧檄海上舊
乘驄小試蛟龍雨還餘鷹隼風池塘春正好歡
笑幾時同

淇縣逢至日

陽馭方南至羈人心北征候從葭管驗愁對雪
城生未獻春觴壽驚聞夜鼓声五雲瞻處近三
舞不勝情

扁鵲墓

扁鵲醫中聖孤墳隱棘叢能生號太子不藥晉
靈公天壽根元命膏肓灑上工真精但自保方
技有時窮

安蕭望京邑

荒城聊騁望燦闕見依稀楊柳連馳道雲霞入

鐸

戊戌元會二首

孟月年光轉初春景候新
二闌宵剪勝九寢旦
開禋 龍袞瞻青帝
鸚班肅紫宸
嵩呼聲振地
簪笏染香塵

其二

北斗貞寅位東皇秉木行
九重申漢令萬國仰
神京翼翼簪裾集
鏘鏘鍾石鳴
幸承恩吹末率
舞泰階平

風入松

清風起林薄作此松間聲翠葉飄難下微香拂
易生虬龍平地舞琴瑟半空鳴安得同棲鳥常
臨此景清

元宵二首

帝苑張燈節春風不夜城
君王賜恩詔士女
詩宵行萬戶樓臺啓千響
絃管鳴羈人當此夕
歌舞亦平明

其二

春宵三五屆
宸賞九重開
玄兔天中滿
六鰲

榮闈愁兼行共盡春與客同歸誰謂巴南遠鳴
珂又玉扉

宿安肅興國寺

客遊無定跡旅舍借香宮寶月臨憲白慈燈照
榻紅關城輦轂下時序雪霜中不寐參宵半神
情愧色空

涿鹿道中

驅車涿鹿野遙見鳳凰城寒水思荆子高臺憶
郭生梅含殘雪吐鴈帶晚霞鳴蜀道五千里今

朝近 聖明

涿鹿守陳君席上

燕旬此雄州羈人愛滯留
陳蕃能下榻王粲且
登樓綺館張寒宴雕盤
送異羞沉沉霜月夜
楚奏雜燕謳

入朝

重城遙候漏五夜更朝
天絳節披三殿青袍
俯八軌洛陽人已老
宣室席應前不盡瞻
依念歸携滿袖烟

海上來笙鏞喧內苑燈火照層臺垂曉猶留興
明光奏已催

白溝河

遼宋分疆處傳聞即此溝熊羆時夾岸烽火夜
臨洲禹服無燕地山戎有漢州祗今大一統四
海域金甌

麒麟塚

麒麟久不出茲塚何崔嵬無復周人嘆真堪孔
聖哀紫萁封豸石翠柳覆層臺有道歸明主

為禛擬更來

定州同李少府登開元古塔

九級芙蓉塔三春旅客登珠幢芳樹捧玉笋白
蓮承懷土哀王粲為邦借李膺憑高共一望花
柳匝平陵

洧川道中

肅旆遵河渚鳴鑣出洧涯平臯麥浪湧曲塢杏
花垂日暖初歸鴈風和乍轉鸚羈情當此且酌
酒看春宜

宿天寶宮

昔日仙人館今晨旅客來宮猶天寶號碑是至
元開柳月樓玄戶松風繞法臺病中多好道一
夕幾徘徊

過首陽

軍前扣馬客山上採薇人黃屋歸新主清風厲
舊臣嗟來焉可食餓死不為貧千載簪纓士誰
當繼泚塵

登懷城

高閣駐瑤旌幽郊氣候清太行春霧合沁水晚
烟生花木交中野樓臺滿四城理人慚寡策一
望一屏營

春雲處處生

春氣最芳妍嬌雲滿四天照花迷舞影籠水雜
飛烟嶺斷芙蓉出村空錦繡懸應湏及靈雨種
玉向青田

春園夜坐

蘋跡悵何定依依復此邦野禽棲後院高樹晦

南窓倚幕燒銀燭
臺花倒玉缸
月來仍可望
若箇是三江

聞笛

烏庭聊夜坐
龍笛忽春声
月下吹偏響
花前聽更清
落梅空自然
折柳贈誰行
客裡兼聞此
能無別恨生

有所懷

陌上春將晚
天端人未來
無槎問河渚
有夢到荆臺
高樹頻占鵲
虛堂謾掃苔
何時一握手
花

下捧金杯



少泉詩集卷第五上

少泉詩集卷第五下

京山王格撰

五言律詩三

偶坐言懷

端居聊自問
吏隱復何如
病後詩情減
忙來藥術疎
才名一斗內
歲月二毛餘
唯有真心在
當令不負初

脩園

官居職事少
閒日得營園
移榭惟因舊
栽花不

用繁地偏三築逕亭小四開門沿壁還施素頻
來寫五言

小軒春坐

棘舍頗閒靜况逢春景催穿墻竹笋出映戶石
榴開舞蝶飛還住鳴禽去復來寄言曹相國此
地可銜杯

立夏

花送三春晚天迴九夏中黃梅初染雨紈扇始
宜風南陸專陽令東皇禪歲功應嗟人代裡光

景隙駒同

希濂殿下席上觀張中舍諸君讌集之

作率爾成詠

皇華天上使帝子苑中遊仙饌芳瑤席徵歌滿
玉樓陳王多愛敬梁客喜淹留返策當闌夜高
城落月幽

聞鶯

竹亭閒酌蟻柳鳴乍聞鸚灼灼金衣舞声声鳳
管吹微行桑正穉中谷葛應移恐有遼西夢還

須打起之

閉門

閉門常理蠹闢苑自栽芸客難東方朔人嘲楊
子雲丹經多為病青綬未離群時一揮霜簡銜
恩欲報君

過衛

茲郡由來美登車渡此年太行西限晉衛水北
通燕綠竹搖晴日清泉映晚天羈心稍為盡巧
笑一嗟然

牧野

牧野天何屈殷王罪已深
歸人崩若角會旅矢如林
太白終懸首忠臣昔剖心
遙知甲子旦四海共謳吟

殷墟

淇上山河美殷都昔此移
雉升彤日鬲牛飲酒宮池
總為一夫紂能令七廟夷
道傍有墟郭愁見黍離離

姜里

紂聽崇侯虎王囚姜里城六州孔邇望八卦後
天成豈失包瓜素空傷卷耳情聖人有天命弓
矢復專征

磁州道中喜雨

甘雨應時飛滂沱滿近畿三農俱鼓舞萬物有
光輝道左炎氛歇花間淑氣歸行車不敢避終
晝濕征衣

磁州同王北澗憲副張津西少叅遊郭
氏園林

旅居殊不樂尊酒聊行遊
虛榭臨花甸芳辰值
麥秋委填無俗事談笑有良儔
不覺歸來晚踈
星點戍樓

經淇門

淇水流無極殷商此故都
如何玄鳥代化作綠
楊蕪宮廟惟禾黍城闈半路衢
誰能為此孽應
恨一夫愚

羅敷詞

昔日秦氏女採桑岐路間
綠條明素腕紫椹雜

朱顏夫婿千人望使君五馬還但云美似玉誰
道節如山

偶酌

平生多惡酒一醉暫忘憂况以花邊酌兼之月
下謳勸酬無外客羅列有中羞寧羨東方翔沉
寘赤帝樓

孟縣偶病

出門初一舍抱病即經朝夕藥偏難効徂顏本
易凋臥醒潘縣午坐愛洛山遙宿昔飄然意茲

時更覺饒

自嘲

昔忝金門籍今分烏臬司引經折諍訟罷草事
刀錐未習三千法空歌畫一詩素餐良可媿心
與白雲期

覃懷驛送段東川僉事捧表入京

平生段干木不見已經年走馬逆西蜀函辭向
北燕相逢此逆旅並坐一開筵明日山陽道看
君又杳然

登吹臺

梁王歌吹地寂寞此空臺我輩復何幸芳尊一
為開流光春爛熳清興夜徘徊欲作登高賦慚
無枚叟才

七夕

今夜雲間女停梭候阿郎銀河架烏鵲玉寢戢
鴛鴦莫遣風波惡堪憐枕席忙明朝又分手依
舊斷中腸

懷州秋日

七月初流火三河已覺秋綠楊踈古道白露肅
平疇為政曾無術驚時造有憂郡城明月好載
酒一登樓

題書寄家有懷

半載叨持節雙魚一寄鄉秋風減餐飯春草夢
池塘睠此中州美其如南路長殷勤送飛鴈流
涕幾沾裳

寄平陽太守南涯鄔子

平陽佳麗地之子握銅符太抵夔龍輩宜居堯

舜都條山橫境內汾水帶城隅為改知多暇看
雲興不孤

秋夕

涼風何颯然惆悵此秋天合沓昏鍾發闌干夜
斗懸年光催髮變塵事失心玄忽忽不能寐鄉
關雲霧邊

行部

四牡結朱纓忽乎吾欲行非能鷹隼擊頓使孤
狸驚簿領催多病風塵改宿情綿才還盡瘁

明主急昇平

於覃懷趣鄴

嗟我安居少秋來偏別家去年三峽杪此日清
漳涯素領悽霜露白駒感歲華故巖湘水曲空
自夢烟霞

經脩武吊嵇叔夜

中散山陽隱曠然箕穎心浮生聊寄鍛適意祗
鳴琴慷慨絕交語悽涼幽憤吟至今日中奏猶
自有悲音

經胙城悟真寺

驅馬入招提，秋風日欲西。
披襟坐古樹，摘茗煮清溪。
野徑稀人跡，空門但鳥啼。
客心正鞅掌，羨爾嵒中棲。

山陽九夕

流景何匆遽，客心悵未還。
霜飛黃菊候，月冷白雲山。
斗酒陶佳節，刀圭保素顏。
淵明五柳在，落葉夢江關。

行部歸觀菊

三秋無暇日十月對黃花寒吹騰香遠微霜墜
影斜籬邊初命箏河上始回車謾作陶潛舞頽
齡傲歲華

夜坐

栢館何森沉寒鍾咽夕陰淡雲薄層漢微月映
踈林客路大行遠歸心湘水深誰云衣繡羨辛
苦二毛侵

月食

寒月挂中天清輝喜正圓如何當此夕亦自損

嬋娟碧海明珠玷瑤臺闕鏡懸嫦娥有靈藥頃
刻即依然

偶作

楚水昔高臥淇園今薄遊鄉關千入夢世路四
生愁竹牖寒虫咽槐堦素月流乘驄誰謂美衰
鳳白為謳

夜陪誰少叅宴集

風月今宵好與君聊一尊秦山連楚水栢府對
薇垣促柱流雲過行杯落葉繁夜闌猶未去清

露濕歸軒

晨起見官屬

曲房殘曉燭高樹起晨鴉
吏啓重門鑰人趨五
日衙露紋浮砌葉曙色映庭花
多媿諸曹客官
茲遂及瓜

晚眺

地僻稀人務天寒劇旅愁
饑鳥啼野樹落日下
城樓容髮催人老風霜逼歲適
雲中羨征鴈新
往洞庭浮

邊客

六郡良家子十年大漠行
捐軀思報主辭賞不
邀名白草霜連劒黃沙雪作城
秋來南鴈度厭
寄鳳樓情

無雪

河北寒應早今年雪獨遲
單衣猶在體落葉未
辭枝喜與故鄉似翻於
病客宜由來三白瑞翹
首遍郊岐

湯陰值雪

杪臘飛霜騎孤城見雪花沙驚千里節冰隔九
河槎車馬憂時役功名惜歲華日昏獨掩戶凍
樹滿棲鴉

人日

經年長作客此日媿為人鴈別湘陵曉花驚洛
浦春風雲嗟獨滯序律喜言新何以陶芳節青
錢換綠醇

紀歸

我歸三楚日正值暮春時野鳥啼幽徑山花老

故枝簪裾成遠別松竹踐佳期犬馬有餘戀杜
門空所思

獨居

明時謝朱紱永日閉閒門搗藥頻呼僕看花屢
涉園病軀甘豹隱世路笑波翻舊事空回首悽
然恨觸藩

代贈周百戶

年少羽林郎提戈出建章花城紆劍騎龍邸候
君王密夢湘雲遠歸心楚水長番君不可駐把

酒一沾裳

月夜坐田家

村月冷中宵澄澄夕氣調蛙吟新水曲螢映綠
叢標野老心相媚田家路不遙山中酒初熟扶
杖過溪橋

池中月

明月映清池澄波光陸離地疑雲表出天似水
中垂逗渚蟾栖窟乘流桂濯枝我心淨無滓臨
翫愜幽期

九月雪

南中寒忽早瑞雪杪秋飛
芳菊銀粧蕊沁鴻玉
點衣送風殊易集映日已難晞
野客朝慵起驚看滿竹癡

送李師孟入京

白馬黃金勒春風紫陌期
送君將寶劍携手上彤墀
英妙時人羨才華聖主知
長楊新賦就白口鳳鳴岐

寄吳孫塘太守

百里勞相憶，雙魚苦未通。
種瓜憐我拙，擁節羨君雄。
撫字人歌德，經營帝念功。
郢門秋月好，尊酒幾時同。

奉賀方伯庄少叅移居新署

龍印持新節，薇垣啓別臺。
地分江漢勝，人擅股肱才。
甲第司空畫名題，聖主裁令辰。
琴鶴入三楚，仰星台。

送談木泉中翰還京邑

天書臨帝里，星使出皇州。
暫輟絲綸侍，薄為

江漢遊鄉心吳苑夢歸色郢門秋長孺有封事
須陳廣殿頭

贈徐道士三首

南州徐孺子西入楚王宮妙達飛仙理居然高
七風囊深丹粒重談劇紫書空婚嫁何年謝相
嬉海島中

其二

聞君遊海上親見安期生胎息黃芽滿雲遊白
鶴輕八公相論道五嶽盡知名待爾冲飛去同

余訪上清

其三

騎鶴潁川上挂瓢漢水濱
杏林多隱姓桃逕屢逢春
丹藥遺知己仙才傲世人
聖朝方訪道真訣及時陳

恩詔許復冠服

忽報金鷄詔衣別賜野人微
軀重釋褐寒谷再生春
已覺容顏改應慚錦繡新
江邊湏罷釣難與芰荷鄰

病中言懷

我慚適時用壯齒已抽簪門只陶潛柳家無陸
賈金乾坤一轉眼骨肉幾傷心閉戶仍年歲時
時淚滿襟

寄王盞夢澤

與君非異姓昔日忝同心
龍邱賓師位芸窓
翰墨林別時襟有淚幾載鴈無音倘踐西遊約
余舟在漢陰

聞華鴻山隳官東歸

可驚華學士解綬去皇闈吾黨嗟零落人言豈
是非花明江岸驛雲護錫山靡以子平生氣多
應笑拂衣

詔周子

周子當時俊少年思有神萬言真倚馬十上不
逢人身未驚華髮名曾動紫宸大才看曉達指
日是青雲

懷秦子

異姓有同胞憐君少小交誼兼葭倚玉情是滌

投膠同輩推瑚璉先登愧斗筲
歲闌思把手幾望郭東郊

憶素子

袁安真靜者抱膝向山岑
謾曳王門履殊無城市心
釣殘花映水醉處月窺林
知己余叨舊時聞采葛吟

思楊子

念子璣璫器狂歌漢水邊
帝鄉曾載質楚苑幾懷鉛
柳覆楊雄宅花明范蠡船
相思空夢寐

經歲各風烟

芝山曲贈魏子

梁木悽高壠，莢我起慟聲。
言送紅淚滴，化作紫芝生。
天錫靈山寶，人傳孝子名。
鬼神常守護，千古此崢嶸。

哭仲兄近泉隱君

詩酒吾兄跡，風流亦楚狂。
百壺方荷鋪，一葉遂蒸梁。
鄉里思人傑，家庭失鴈行。
弓裘舊業在，繼志有諸郎。

傷顏維喬

苦憶隨顏子平生多可親
一送別我友忽已慟
夫人學古能如意當官不愛身
遺文猶在篋讀處轉精神

人日前一日逢立春

春日與人日相偕到九區
參差惟隔夕次第若連珠
四德元為長兩間我是夫
天人非二道更此顯同符

其二

明日是人日今春此立春
東皇司木始西母戴

明日是人日今春此立春東皇司木始西母戴
花新造化雖無意陽和適有鄰卜知歲事吉淑
氣得相親

其三

偶爾吾人日聯翩大地春寰區一何幸信宿兩
嘉辰候氣三陽應烹羹七菜新欣欣余喜色美
景復閒身

示諸子

汝輩余形蛻中情似掌珠幾時看樹立終日掛

賢愚所願家聲振母令我意孤犂牛心有愧駢
角爾能無

客過

懶性不迎客同心却在門看春逢綠暗銷日到
黃昏鳥宿城邊樹人歸山下村興情如未極明
發候王孫

謝人相餽

中林甘落莫禮賜忽輝光貨取非齊國食云有
亥唐山厨窮欲送菊徑舞應狂不謝休言簡類

然醉在牀

友人見訪

臥病歷寒暑故人相見稀
忽聞林外騎亟啓竹
間扉對語忘咀藥
晉餐旋採薇感君不遺
舊松菊盡生輝

春日偶成

村野生顏色吾廬方見春
暖風舒木氣細雨促
花晨繞樹鳩求友
銜泥燕識人端居亦成
趣
踐綠苔新

賁客見過

俗事嬰情少，蓬門寂寂春。
忽傳金紫客，過訪草玄人。
問柳貧家好，來蘇惠政新。
笑談淹永日，沉痼似離身。

閒居即事

幽居傍水濱，四面少風塵。
低樹藏馴鳥，深房宿故人。
道書随手閱，藥餌不時親。
誰笑生涯懶，龍樓舊逐臣。

贈同年雲溪戴少叅擢本省憲副四首

秋日轉征輪
喧喧郢路塵
遷官仍境內
候吏滿江津
誰不榮新命
余方別故人
丘中幾搔首
漸覺遠陽春

其二

與君非遠別
使我獨悽然
績在潛龍地
情深附驥年
知無三仕喜
愧受二天憐
把手欲有贈
囊中無一錢

其三

馴雉勞皇邸
遷鶯出紫微
武昌魚幾食
觀察

豸重衣僚吏看俱是宦階認忽非
明君有深意鎖鑰借新畿

其四

栢臺新執法榆里舊宣司戴聖名知禮羊公績
可碑佐堯深帝眷借冠慰人私祗恐台衡召
余心有所思

秋日雜詩十一首

病起身猶憊秋來思轉繁承家異子壯入室向
誰言白日駒過隙清時羝觸藩壯心仍竊發祗

共典墳論

其二

我生本丘壑遭世忝紳裾
得罪翻心好願疴庶
體舒文章供浪迹山水護郊居
年歲倘吾與微
蹤亦不虛

其三

狂子大狂且浮生靡所如
無能甘在野呼馬一
從渠食少宜家嗇居深與客踈
抽毫時自課心
鄙大玄書

其四

一生真潦草萬事逐芬華坐覺凋青鏡行圖殮
紫霞赤松傳道訣玄鶴舞山家從此人間世看
如糞上花

其五

幽居養殘息忽復幾經秋綾逕惟啼鳥開門每
應牛姓名當世忘城市為家留獨有寒簷曝時
時念鳳樓

其六

一臥又彌年灰心豈復燃人情任秋葉家計付
山田塞馬誰能測梁鴻古所賢平生俱夢幻今
日始醒然

其七

少年不自意執戟偶明辰一斥慚知足孤栖事
養身避人無雉贄代食有魚綸日月嗟將暮終
然草莽臣

其八

曰余從解綬幽思日依依犬馬餘年在夔龍始

頽違見人驚老瘦同輩盡輕肥腐草何年化含
光繞路飛

其九

十載罷朝簪棲遲舊竹林姓名誰見齒芝朮老
經心已分甘懸磬何須悔却金年來機益息遁
處轉看深

其十

古人傷日遠後代喜雷同嗟我生何晚徇時術
未工言多風世放道以露才窮莫遣回吾駕顏

淵昔屢空

其十一

秋雨罷山郭林廬肅氣催
花搖傷歲晚樹立愧
年來丹竈渾吾事清尊
偶爾開醉時愁暫遣
松徑幾徘徊

偶詠沮溺

昔余覽見古籍沮溺最高蹤
心慕兩賢者躬耕伍
老農曾何帝力有幸與聖人
逢邂逅津頭語垂
名萬載濃

寄宗茂姪

每因思小阮長自夢清都
帝闕鄉心少官曹
人事殊文章誰繼體骨肉我殘軀
努力崇明德
家門賴汝扶

歲儉

未果休糧願應懷儉歲憂明農
猶有患措大本
無謀世復誰吾恤人將父子流
陶潛羞乞食飲
水臥林立

對鏡

曉起握青鏡團團明月光那堪貧病日對此髮
毛霜時黜心猶在年衰道未彰奕棋嗟世事長
書掩山堂

秋雨

可惜三時雨都從此日零杜門客徑綠開閣衆
山青新漲瀰枯澗寒聲落晚亭野人塵念少隱
几讀黃庭

登城

閒來獨負杖稚子與登城流水心俱適看山目

未明樓臺含夕氣
砧杵送秋聲
忽有雲中思
高天數鴈橫

對酒東鹿坡子三首

茅屋泛高臥
秋風幾度新
對花時中聖
起草不驚人
海內誰知己
城陰有舊鄰
文雄余所畏
把手莫辭頻

其二

與子蕭牆隔
同歡節序新
雨聲寒陋巷
花色媚幽人
遁世心無事
因君德有鄰
登高憐尚病
落

帽未能頻

其三

可堪風雨日值此物華新花事能為主秋光恁
負人掃門迎上客送酒賴東鄰况有登高賦金
聲擲地頻

九日

生年堪大息風雨又重陽寒近貂宜客秋深燕
別堂醉書驚草聖病舞為花狂更笑河汾遠為
儒偶姓王

秋日張憲僉先生見過

驅傳君初入垂綸我獨貧
忽逢青眼顧共咲白頭
新坐久沉秋日談高憶
古人門前車騎繞幽谷
遂如春

鹿坡子見校余集賦詩投謝

嗜好平生少興來
祇嘯歌如何駑馬步
復有魯魚訛覆誑人
皆是讀書子
洵多楊雲知不久
載筆向壑坡

園中

榮祿心灰久林園足跡多白雲供遠眺黃鳥荅
閑歌行處身成蝶疲來杖倚蘿門前時有事臨
路一張羅

寄督學憲副三石喬先生二首

江上喬夫子關中舊省元人文時雨化師道古
風存佇作塩梅鼎先開桃李門斗山余素仰何
日奉清言

其二

藝苑舊稱髦文旌此暫勞三江欣道泰二華擬

人高盡日搜荆璞間時反楚騷持衡知不遠萬
類仰鈞陶

寄泉北公四首

一自沁車發幾看秋月圓郡城桂嶺外鄉夢菊
花前喬木鶯猶滯長天鴈不傳幽憂余未醒何
以慰潛然

其二

足行方到郡余病尚端君手足經時別關山萬
里餘幾年猶出守昨日有來書遙想秋齋靜多

應念舊留廬

其三

念兄于後去使我意何如
遠道愁鞍馬經時無
鯉魚逢人多嘆屈循吏
幾曾書檢式明君
哲行看召使車

其四

畫錦雖無幾春池喜共群
何知熊首去頻使鴈
行分海上猶韓愈
山中况陸雲
相思各強飯蕙
草俟時芬

同年竹坡任憲長見顧病未出迎

草堂秋雨合龍節晚城經感子惠然顧逢余病
未能門應回長者心獨念良朋嬾嫚知無道題
詩報彥昇

聞征苗

有苗誠匪茹平世敢稱兵未可虞干格湏憑殷
武征乘時神筭定計日鬼方平銅柱看銘績千
年楚水清

五言排律

送孫毅齋侍郎還京

皇情嬰故國，裡事屬宗臣。
暫輟金華草，言開玉寢蘋。
螭頭函紫詔，漢渚迓朱輪。
奉使當人選，精誠似帝親。
掃除悽雨露，辭賦擬陽春。
東觀英才舊，南州山斗新。
乘槎方計日，轉試忽茲晨。
來見黃花秀，歸看素雪陳。
燕臺虛上宰，郢水別高人。
去去催琴鶴，依依盡縉紳。
中朝聞至喜，下里為離顰。
如奉明君問，江干有釣綸。

叙感

覃懷分上郡觀察啓清司鴛步非時選鴛班誤
帝知川西魯暫駐河渚遂中移鳳篆銅符剖花
紋錦綬垂登車霏雨露按劔懾狐狸星氣驚千
里霜威折五詞人知心似水道有口為碑鞅掌
朝仍暮淹留歲已暮南雲遮返路朔雪舞征旗
玄髮應無幾彫墜未有期先人牛馬走明主稻
粱私須使麒麟閣芳名繪及時

同彭給事遊凌雲寺

蒼岑開秘苑玄石啓蘿門九獻排空列三江吼

地奩放生碑欲斷大佛首猶存絳殿岩堯起丹
亭宛轉繁清尊盜老子零雨滯王孫秋色分樓
望花藤結手捫興闌移野席談劇下山徭勝地
復知已居然慰旅魂

送樊南滇工部入

賀長至

堯年南至日漢殿北開時 天子迎春氣仙郎
捧慶詞去從龍虎闕行指鳳凰池曉月明芝蓋
秋風拂桂旗稱觴 三陞喜獻賦 九重知但
恐留宣室居然遠別離

送劉毅齋光祿還江陰

滄江浮梗客，碧海種瓜侯。
弭棹淩新漲，停橈覽舊遊。
春心頻夢蝶，劍影更衝牛。
抗月睇淮浦，披雲坐石頭。
錦囊餘漢策，鶻服繫吳鉤。
荷氣沉襟濕，榴芬映舸幽。
賓朋迎鳳蓋，冠佩想龍樓。
行嘆江津柳，機忘建水鷗。
川涼銷晚夏，風肅入初秋。
共此期歡賞，何知惜去留。
征衣牽荻岸，別筵俯蘭洲。
短曲繁絃促，清尊綠蟻浮。
遙遙分遠望，去去涉安流。
願得馮空翼，從君歷九州。

十五夜同鄔南厓茅少塘登報恩寺塔
賦得觀字

龍宮開梵塔寶地藉奇觀
一徑杳然度三花或
可餐開窓臨曲陌拾級盡危欄
風物初春麗關
河四望寬月華凝苑外燈影綴雲端
魏闕衣冠
盛都城士女歡管絃
風杪聽羅綺霧中看
歸問
瑤城路鍾聲夜未闌

晚節堂秋官錢子取
勅封之詞以壽
其翁西碧山人者也
山人曾仕為州佐

中年而勇退盖有高致者故並掇於篇
碧巘倚天西山君不可梯東籬花正發北海鳳
初啼雲錦宮中賜奎文屋裡題地疑洛社隱人
似伯鸞栖歲晚神情愜名高福履齊誰云巢許
索懷玉老荆藜

七月二日 聖躬就豫視朝兼聞南都
太廟災有脩省求言之詔

涼飈回鳳宇清禁豫 龍顏三陛開宸幄千官
綴曉班綵旗秋照碧仙掌曙雲殷朝政當軒奏

天言逐事須遇災勞
聖慮服澣訊時艱玉體
聞初復仙輿且遂還

壽鄭左鄉同年乃翁上舍六十

森森龍川上重聞鄭子真青雲遲驥足白首尚
儒巾不羨毛生檄那憂原憲貧北堂猶負米南
澗且垂綸谷口三秋日人間六十春仙庭翔彩
鷁壽俎摘芳萼甲子重光度乾坤待用身還憐
陟岵望應是舞斑人擁珮依天側懷羨寄海濱
豸瞻明主詔珪組並楓宸

壽黃夫人

三巴開瑞節八座慶長年北斗萱帷貴東曹驥
子賢榮增天上誥福是女中仙青鳥傳桃會朱
陽照寶筵繞堂蒲水泛覆地種花燃還羨輜軒
使斑衣舞膝前

過楊南湖壽域

福地倚雲開蒼林間碧苔層城臨嶂起飛澗繞
峰來石髓山頭出桃花洞口栽川原連舊里樓
觀擁新臺龍虎千秋奠風煙四望迴長生知有

術此地即蓬萊

壽長沙錢推官翁母六十

湘川五馬佐南北兩堂開白髮梁鴻偶班衣賈
誼才幽蘭承舞袖杜若薦春杯信鳥鴛鴦至食
魚比目來歲從新甲子人似再嬰孩會見歌鍾
錫龍封降上台

述祖德四十韻

昔我初王父宗源自周衣冠遙接武世代富
名流近祖元丞相比鄰魯孔丘運雖逢喪亂志

豈失弓裘胡季妾纓綬鄭中薄宦遊紅中俄擾
國紫綬阻歸輶遂棄東人貫言從南楚畚傳家
曾未幾遭世復多憂山寨爭推主閭閻共合謀
非能圖大事但欲保同儔 聖帝當陽奮寰區

一統收革心滯版籍晦跡事農疇縣畧州東畔
鄉編邑左陬大洪亘地結清漢接天浮鬱鬱平
臯沃渟渟王氣適耕能千畝闢俗擅一方優廬
室交桑梓村岡被馮牛從軍沔上戍保甲里中
酋奕世稍云久分門漸以稠宗人八九族食指

數千頭十代傳方溢一經誦未休青衿紛在泮
芳桂幾驚秋先後三春杏聯翩五鳳樓矛袍彈
玉殿宮錦繫瀛洲守令饒嘉績監司展異籌北
開遼左幕南入嶺頭州長老能雍睦兒童解偃
僂樓臺無地起詞賦有人修隨分堂前昂稱家
壠上楸征徭知急義犴狴鮮貽羞昭代禎長
發微門卜可侔先疇難遣穢舊德謹宜述畫虎
須愁徇摧剛却是柔立身惟善樂守口寡言尤
易象明風火詩人戒技求生涯尋長物經史乃

少泉詩集卷第五下
嘉猷小子生誠蹇承家事未鳩茂陵憐病廢阮
籍愴窮愁經歲門猶閉何時志始酬眷言懷上
世稽首奏長謳

少泉詩集卷第五下

少泉詩集卷第六

京山王格撰

七言律詩一

觀 駕出祈穀二首

玉輦平明出未央
青郊蒼壁薦東皇
春歸社柳含烟綠
日霽鸞旂拂霧黃
萬國奉琛陪黻帳
百靈効職儼蘭場
微臣旅食調饑日
佇待西成足稻梁

其二

上
路
風
塵
淨
不
飛
鑾
輿
雷
動
瑞
雲
圍
五
營
容
衛
爭
春
麗
百
辟
簪
裾
共
曙
輝
蒼
玉
告
裡
神
罔
怨
紫
螭
騰
駕
澹
忘
歸
萬
方
此
後
嘉
無
極
地
久
天
長
草
木
肥

咸陽懷古

咸陽大道風塵多一望寒烟渺灞河赤帝祖龍
無處所綠錢榆莢滿山阿空園漠漠誰金谷古
塚累累但石鮓日暮經過狹斜裡少年猶自唱
迴波

洛陽懷古

洛陽城外草菲菲
洛水橋邊野鳥飛
臺觀尚疑周象魏
市廛何處漢宮闈
北邙墟墓豪華盡
南陌流塵車馬稀
薄晚月明垂柳迳
綺羅猶是看花歸

鄴下懷古

魏武經營天祿日
淆函伊洛總塵埃
鄴城新傍中山築
銅雀遙臨漳水開
漢室三分真擅盛
陳王八斗最稱才
獨憐王氣沉銷易
五虜群來玉

殿灰

梁園懷古

昔日梁王恃驕寵梁園奢麗甲諸侯一朝漢代
山川改百尺高樓狐鼠遊鶴鴈洲池無綠竹鄒
枚文雅總青丘行人繫馬垂楊道祗見清清汴
水流

寒食 駕幸天壽山遇風余南行至真
定有懷賦此

紅塵佳氣曉凌空 法駕乘春幸別宮黼帳朝

辭雙闕下金吾夜駐五陵中日緣寒食開溫景
天為高歌起大風臣獨南行向宛洛無因執戟
獻河東

貽陳方伯

與君重有結交緣綠酒青燈夜雨前中秘英聲
曾夢想外庭末議此班聯貧無白壁酬知己狂
有清談接大賢明日又尋王屋去相思獨上孟
津船

醉興

落日沉沉留晚暉
公門未夕已雙扉
秋風蕭瑟羈心苦
世路崎嶇開口稀
伊呂名高非所慕
唐虞世遠將安歸
尊中清醕同萱草
夜夜高堂莫遣違

次韻荅謝崔少石祭酒

駐馬東林訪隱居
金尊醉客發春初
城隅綠野開三徑
架上丹經富五車
已幸龍門分几席
更慚魚目引瓊琚
祗今宜結滄洲約
楊柳陰中看

月踈

奉和桂州夏相公九日邵園韻四首

蒼龍闕下邵平園，叢桂幽蘭承酒尊。
九陌競看黃閣老三秋，來集白雲村。
調梅暇景淹林薄，落帽高懷縱野軒。
明日上午奏星聚，君王詔問有殊恩。

其二

仙家愛客闢芳園，上客聯翩携野尊。
九夕寒花擅左里，五城佳氣入幽村。
調元已屬重熙日，作賦新披四望軒。
萸筍芝盤應盡興，共欣霄漢沐。

君恩

其三

紫鳳樓前金谷園相公暇日此開尊主人洒掃
青苔逕導吏傳呼瑤樹村遊愛芳辰花滿地坐
憐遙夜月流軒欣娛復是傾朝野一曲陽春歌
帝恩

其四

奕奕亭池披綺園來遊况是上台尊菊花熠爚
金為苑槐幄續紛錦作村落葉行杯無輟晷班

荆從滕不分軒醉餘更奏登高唱滿座齊聲
聖主恩

奉和序菴李相公考秩閣中咏蓮之作

二首

樞閣沉沉散曉風玉池新吐夏蓮紅繁香並學
調羨巧秀色還同補衮工上宰圖麟當瑞旦
明君錫馬出瑤宮更歡海宇逢清太間弄虞琴
頌帝功

其二

黃扉朱景豁清風的的蓮花照水紅種倚金墉
 宸藉地開臨鼎掖化為工幾齡劔履盟香社此
 日勲勞奏漢宮內使忽傳珍賜下 天邊飛詔
 禮成功

送余草池副郎監稅揚州

梁苑故人生別愁錦帆烟水下揚州霜前白鶴
 隨芝蓋陌上紅梅對酒樓 雙闕獨懸淮海望
 幾時重與鳳臺遊秋風天末多鴻鴈莫惜新篇
 寄石頭

杪秋同馮三石吏部鄔南厓湯薦齋戶
部遊靈谷寺賦得門字二首

江上風煙靜遠村山樓與爾對清尊青袍荏苒
悲南國叢菊參差憶故園落日霜寒猿狖嘯高
天雲淨鴈鴻繁夜深車馬散明月回首瀟條空
石門

其二

東郊一逕開雲門此日登臨驚旅魂淮浦秋風
深歲月鍾山紫氣滿乾坤墩綠安石薔薇吐社

有陶公蓮葉著對酒莫辭今日醉五陵鷄犬似
桃源

送秦雙山出守曲靖

故人東別鳳凰臺銅虎遙從南極開五嶺雲山
家欲近十年京洛夢初迴省中共惜少游去天
外新傳叔度來萬里相思鴻鴈闊秋風落葉繞
行杯

八月十五夜鷄鳴山夜集用韻

江上樓臺風月清杖藜獨眺鳳凰城千家砧杵

秋山暮萬里關河故國情倦鳥遠投珠樹宿青
燈自照錦袍明側身天地憐衰病愁聽空林落
葉聲

送丘瀕野黃門赴楚少叅

使君綵鷁開三楚送爾憐余亦楚材愁望白雲
連郢樹喜看行雨下荆臺馬頭鳳勅傳千里江
上春樓眺九垓他日衮衣歌滿地翩翩黃鶴共
飛來

送陳練堂正郎赴楚少叅提督太和山

使君西入青牛洞，萬丈丹梯手自扶。但使煙花
供悵望，不妨衣馬對虛無。山開紫氣連秦蜀，江
擁滄波下楚吳。倘到仙宮還把酒，可能東望憶
潛夫。

弘濟寺用韻二首

花落江臯春氣深，天時人事苦相尋。金閨久繫
滄洲夢，梁苑今陪白雪吟。野閣山空雲欲駐，高
林風急鳥多音。須携五岳盧敖杖，一息千崖萬

壑臨

其二

洞門白晝薜蘿深
此日烏巾載酒尋
王粲風流頻悵望
屈平樵悴強行吟
差池歲月雙蓬鬢
窈窕絃歌大雅音
渭北江南思萬里
丹梯回首不堪臨

燕子磯用韻二首

清潭春日浪花浮
千里風煙鎖翠樓
檻外石門黃霧宿
磯頭燕子故巢留
釣竿省識荆南客
玉珮那驚海上鷗
世事百年真夢寐
高江潮急使

人愁

其二

萬里關河嘆轉蓬
江干對眼又春風
高天遠水鴈鴻影
遲日青山桃李叢
吳苑丹霞浮曉岸
燕臺紫氣映春空
清時未有滄涯報
却愧終然白首翁

蔣廟

將軍祠廟石城隈
喬木森森聖代培
一戰勳名千載烈
列侯俎豆四時開
堦前落日鳴孤沓

逕口經春長綠苔
幸藉芳閒尋勝跡
月明歸路馬蹄催

送淮野胡子守萊州兼歸省

春花灼灼照離筵
送爾分符向海邊
共喜同心皆楚客
那堪分手此江天
暫時舞袖南州麗
許日賢聲北地傳
一郡豈應淹驥足
徵書會下紫宸前

夏日遊清涼寺分韻

清涼樓觀枕天街
此日來遊動客懷
江上闌雲

遙閣閭林端幽鳥自啾啾六朝王氣依然存
帝黃金何處埋與爾一杯須強進夕陽鍾鼓亂
丹崖

次南厓諸子遊靈谷寺韻

杖藜遠眺北山岑萬里風煙接上林天外浮雲
江樹沒城邊積雨野池深謝安不倦薈薇興諸
葛聊為梁父吟惆悵高樓還對酒孤猿獨鶴擁
愁心

奉和呂涇野先生遊盧龍觀

日觀峻嶒寶地偏，秋來爽氣正翛然。
鸞驂鶴騎徘徊處，江草岩花探歷便。
九陌風飄雲色淨，三山波映月華圓。
幸隨珠履闌芳宴，孔瑟虞琴振遠天。

九日同樊南溟湯雋齋二同年遊鳳凰
臺兼過徐氏西園二首

仙臺秋色晝陰陰，九日來登淨客心。
城闕千尋佳氣鬱，關山四望碧雲深。
林間設坐苔為錦，菊裏開筵酒映金。
薄暮江風吹帽落，高歌遙逐鳳

鳳吟

其二

王孫樓閣俯瑤臺上客翩翩鶴騎來
碧葉每當巖戶落黃花應向錦筵開
信陵豪貴鋪金地宋玉風流作賦才
畫日歡娛猶未已月明遙繞鳳城回

送鄔南厓入賀長至

仙槎遙向五雲開柳色梅花途路催
春捧六龍宣室啓辭緘千里賈生回
金門擬獻吳都賦玉

節應登燕將臺幸到長安休計日待余同醉紫
宸杯

過黃州

三年飄泊芰荷裳此日孤舟楚塞長西渚白雲
悲郢國東風赤壁憶周郎竹樓苔蘚江城古海
鶴翻飛野夢狂斗酒未酬明月興暮天霞霧鬱
蒼茫

湖口縣前松壽山晚眺

縣城東面俯澄湖况對青峰把玉壺山接匡廬

齊五老江吞彭蠡下三吳金陵紫氣憐猶媚海
甸浮雲望欲無渺渺鄉關隔楚塞歸來松菊恐
荒蕪

遊白鹿洞奉謝王太守溱見陪

幾年去國江湖遠此日看雲杖屨間虛館苔莓
憐白鹿炎天水木臥青山眼深彭蠡愁余病花
老匡廬識汝顏琴酒好懷欣繾綣追遊日暮不
知還

題陸太史舉之春塘咏別圖

陸家寶樹接長楊兄弟才名海內香漢署冠袍
憐異域燕臺風雨偶聯床池塘夢醒歌棠棣旌
節春深別建章把劍未須重涕淚鷓鴣萬里各
飛翔

題白賁殿下望雲卷白賁父舊以宸濠
故逮幽鳳陽後得釋歸故白賁追憶而
為此

昔時多難悲江國千里孤雲繫海天白日蕭條
仁傑淚青春隔絕老萊筵恩波忽慰南歸夢菽

水翻愁北望年几杖可憐人未老龍笙鳳管盡
金錢

宿元道觀

江草年年喚客愁偶從桃水問仙遊春山日落
千崖暗蕭寺雲深三月秋古樹東風啼老鶴青
燈孤榻夢神州未聞明主開宣室誰念長沙
萬里流

懷春四首

江城春夜雨聲寒虛館孤燈獨倚欄萬里浮雲

憐宇宙一官華髮夢邯鄲泥塗尚阻王喬鳥老
大誰彈貢禹冠未信海天長寂寞濟時猶負寸
心丹

其二

霏微春雨迷江國爛熳春花動客愁霜鬢窮途
虛歲月吏情多病夢滄洲士元未遇巴人識賈
誼猶懷漢帝謀楚水燕山思萬里愁看天際是
皇州

其三

落落風塵意未如，媿將遲暮曳華裾。
孤雲獨鶴心猶在，乳燕鳴鳩歲又初。
幾載淹留吳地客，三江斷絕楚天書。
寄言石室先鳴者，司馬還能賦子虛。

其四

春雲日暮滿南山，紫燕飛隨返照還。
江海未收遷客淚，京華遙憶美人顏。
孤城衣馬三年暗，寶劍風塵萬事難。
聞道漢皇開白虎，班生惟念玉門關。

懷伯兄泉北先生泉北時謫居鄧州

燕臺千里連襄鄧每向高樓望白雲東海波深
魚斷問中山路阻鴈分群青蠅詎點翬霄翻
馬還懸映斗文滿目煙塵腸欲絕西風吹淚落
紛紛

陳朗溪公署讌集二首

輕簾曲館靜朱暉檻外花容照客衣殘雨不妨
仙騎繫高筵長促羽卮飛楚天春夢還誰共燕
市交情似者稀此日更欣陪妙集尊前歌笑有

光輝

其二

四天飛雨晝冥冥挾客還披樹裡亭高棟徐開
歌扇影踈花送送舞衣馨飲多醉解芙蓉劍興
發歡題孔雀屏日晚歸鞭過長樂上方已識聚
賢星

奉和陳省齋侍郎韻走筆四首

青袍長侍錦帷前仙署光輝屬盛年短劍終慚
區冶造鳴琴初見伯牙憐夫人結鞵三台望

明主垂旒億載賢萬里雲天應未極凌風刷羽
令誰先

其二

陳蕃名在漢官前侍 帝金門白首年海上樓
臺貧未起天邊桃李富堪憐濟時正倚臯陶法
補袞還歸仲甫賢他日功高畫麟閣中朝簪笏
定應先

其三

法曹遙枕 帝畿前紫陌風光歲復年拂地青

槐宜騎入繞階白鶴使人憐
羈聞仍似東方隱
病拙空懷定國賢
獨有台階陳曲逆
清時勲業已開先

其四

王喬本在五嶽前
留滯風塵忽經年
海外青霞杳難及
雲中白鹿驕可憐
金門操斧常願割
玉殿承恩祗非賢
孑孑烟蘿滿廬里
何時明月相
後先

扇上水墨

盡日寒磯坐碧流長竿直抵螭龍頭露濃別渚
晴花濕雲擁前峰古木稠清渭何人陳虎旅富
春有客着羊裘幾迴箬笠西風起吹擲沙邊懶
不收

用王雪崖韻贈趙東竹副郎四首

聞爾昔時別未央結廬青甸狎鳴鶯海邊蘿月
開仙氣雲外烟塵薄帝鄉寶瑟不辭春晚醉
驪珠時起夜中光只今強著長楊賦蘭署猶傳
水碧香

其二

龍鱗鳳翅惜明時共謝門前五柳枝
鄴下欣為曹植友河東羞獻子雲詞
仙垣夜散追緹騎金殿春朝戲彩鳩
每把朱絃陪讌笑獨無新響助
瑶思

其三

煌煌京洛爾遊便騮馬金鞍白玉鞭
冠珮豈淹西省地經綸行補
大明天十年耿介三遷夢
五字英才萬選錢愧我狂歌南楚客
秋風長鏃

為誰彈

其四

漢宮秋夜賦明河綵筆相看愁更多
赤帝未開東觀鑰綠袍空羨北門珂
三江路遠雲迷樹五岳山深月照蘿
欲把釣竿同隱去丹臺相訪復如何

用陳侍郎韻輓張中舍

白馬翩翩遊上京弱齡喜屬鳳毛成
相門驥子江東彥玉署仙郎鄴下名
明月照樓人已去悲

風滿目淚徒傾長安五夜鴛鴻列顏色猶疑見
爾生

秋日登燕西城樓

城頭高閣俯通衢旅客秋登望八區易水東流
遙帶關燕山西去迥臨胡風吹晚樹蟬聲澁日
落平沙鷺影孤把酒相看更惆悵江南此日正
肥鱸

雨後早朝

燕城驟雨溢堦渠珂馬衝泥赴玉除帝苑樓臺

三伏後天門鍾鼓五更餘雲開早霽明仙仗
擁新涼護寶輿朝罷更聞求敢諫扣閣欲上賈
山書

登鏡光閣

崔嵬梵閣出三天四壁星星寶鏡懸雲磴平臨
西掖樹石闌俯見上方田晴湖積霧沾蘿幌仙
島流風遶蕙蓮日暮虎溪聽講法性空還復怍
青蓮

秋夜

孤夜微霜下薜蘿燕山肅氣正
娑娑雲端塞鴈啼行滿月裡
宮槐落影多萬里空懸南去
夢九天長滯北遊珂更從青
歲愁衰病願以朝簪易
芟荷

黃陂旅舍除夕

寂寥虛館歲華遷喜見春光尚
楚天雪滿關山懷驛路風傳
笙鼓憶椒筵陌頭忽訝垂楊
變鏡裡重嗟短髮懸誰信相
如名未貴上林獻賦已
多年

宿無象寺二首

古寺荒荒碧岫中夕陽斜照祇林紅
江迴彭澤悲陶令地接匡廬憶遠公
鄉思已懸荆樹杪客程初指海門東
月明此夜誰為主空見梅花繞梵宮

其二

鬱鬱松林隱化城絳樓東望海霞生
梅村向晚霜華冽柳院新晴月色明
雪後馬疲南去路春來鴈起北歸聲
那堪寥落樓山館獨臥胡床旅

夢驚

過屈平祠用黎內翰淳韻

澄江淼淼誰招魂
古樹陰森祠廟存
漁父不知新沐浴
楚王何意霸乾坤
高名長共秋蘭馥
宗國已隨湘水奔
又向離騷仰芳駕
今朝此地謁龍門

少泉詩集卷第六







浙江圖書館善本

甲登記號：020702

一九 年 月 日



1 2 3 4 5 6 7 8 9 10 11 12 13 14 15 16 17 18 19 20

Inches

Centimetres

1

2

3

4

5

6

7

8

9

10

11

12

13

14

15

16

17

18

19

20

Blue

Cyan

Green

Yellow

Red

Magenta

White

3/Color

Black

TIFFEN Color Control Patches

© The Tiffen Company, 2007



